

ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ

ք. Իջևան

22. 11.2022թ.

«Երևանի պետական համալսարան» հիմնադրամի Իջևանի մասնաճյուղը /այսուհետև՝ ԵՊՀ ԻՄ/, ի դեմս տնօրենի պաշտոնակատար Անուշավան Հայկարամի Մակարյանի, որը գործում է ԵՊՀ ԻՄ կանոնադրության հիման վրա, մի կողմից, և ՀՀ ԿԳՄՄՆ «Բերդի բազմագործառնության պետական քոլեջ» ՊՈԱԿ-ը, ի դեմս տնօրեն Աննա Էդիկի Ավալյանի, որը գործում է Քոլեջի կանոնադրության հիման վրա, մյուս կողմից (այսուհետև երկուսը միասին՝ Կողմեր), կնքեցին Համագործակցության մասին սույն Հուշագիրը (այսուհետև՝ Հուշագիր) հետևյալի մասին.

1. ՀՈՒՇԱԳՐԻ ԱՌԱՐԿԱՆ

1. Սույն Հուշագրի առարկան հանդիսանում է Կողմերի միջև գիտակրթական և հանրամշակութային փոխգործակցության ձևավորմանն ու հետագա խորացմանն ուղղված հարաբերությունները:

2. Սույն Հուշագրից բխող պայմաններով և կարգով Կողմերը պարտավորվում են սերտ համագործակցության դաշտ ստեղծել ԵՊՀ ԻՄ-ի և Քոլեջի միջև, խրախուսել Քոլեջի ուսանողների հետագա ուսումնառության կազմակերպումը ԵՊՀ ԻՄ-ում:

2. ԸՆԴՀԱՆՈՒՐ ԴՐՈՒՅԹՆԵՐ

1. Սույն Հուշագրով համագործակցության շրջանակներում Կողմերը Հուշավորվում են մեկտեղել իրենց ջանքերը, միջոցներն ու փորձը և գործակցել հետևյալ ուղղություններով.

ա/ դասախոսների վերապատրաստումների անցկացում,

բ/երկկողմանի հետաքրքրություն ներկայացնող, ուսումնակրթական բնույթի ծրագրերի, այդ թվում՝ համապատասխան ոլորտներում փորձաքննությունների իրականացման, մասնագիտական գրականության, մեթոդական ուղեցույցների, աշխատությունների, պարբերականների և այլ նյութերի փոխանակման, համատեղ աշխատանքային խմբերի ձևավորման և Կողմերի լիազորված աշխատակիցների միջոցով փոխադարձ հետաքրքրություն ներկայացնող հարցերի քննարկում և լուծում,

գ/գիտական կոնֆերանսների, սեմինարների, խորհրդակցությունների կազմակերպում, դրամաշնորհային ծրագրերի համատեղ իրականացում,

դ/սույն Հուշագրի գործողության շրջանակներում Կողմերի գործառնությունների կատարման համար, ըստ աշխատանքային անհրաժեշտության, համապատասխան սարքավորումների, լաբորատոր և այլ միջոցների օգտագործում,

ե/համատեղ իրականացվող աշխատանքների արդյունքների, դրանց խոչընդոտող հանգամանքների մասին տեղեկատվության հարցում և ստացում,

զ/երկկողմանի հետաքրքրություն ներկայացնող՝ Հայաստանի Հանրապետության

օրենսդրության շրջանակներում Կողմերի գործունեությանը և մասնագիտացմանն առնչվող գիտագործնական, ինչպես նաև մասնագիտական և կազմակերպչական բնույթի այլ ուղղություններով համագործակցություն:

2. Քոլեջը համաձայնվում է.

Անցկացնել ԵՊՀ ԻՄ-ի ուսանողների ուսումնական, արտադրական, նախաավարտական և գիտաարտադրական պրակտիկաները՝ ուղեգրերում նշված ժամկետներում,

ա/Քոլեջի կողմից պրակտիկայի ղեկավարման համար նշանակել համապատասխան որակավորմամբ մասնագետ,

բ/ուսանողներին ծանոթացնել անվտանգության տեխնիկայի և Քոլեջի ներքին կարգապահական կանոններին՝ ապահովելով պրակտիկայի անցկացման անվտանգ պայմաններ,

գ/ պրակտիկայի ավարտից հետո յուրաքանչյուր ուսանողի գնահատել ըստ ԵՊՀ ԻՄ-ի կողմից ներկայացվող պրակտիկայի գնահատման թերթիկի:

3. ԵՊՀ ԻՄ-ը համաձայնվում է.

ա/ Քոլեջի ուսանողների համար կազմակերպել.

1) տեղեկատվական օրեր ԵՊՀ ԻՄ-ում,

2) դասընթացներ և ակնարկային դասախոսություններ՝ պրոֆեսորադասախոսական կազմի մասնակցությամբ,

3) մասնագիտական կողմնորոշման դասընթացներ,

4) շրջայց ԵՊՀ ԻՄ-ում,

5) խորհրդատվություն և նախապատրաստական դասընթացներ՝ Քոլեջի շրջանավարտ-ների համար:

բ/Քոլեջի ուսանողներին և կարիերայի պատասխանատուներին ներգրավել ԵՊՀ ԻՄ-ի կողմից կազմակերպվող միջոցառումներին,

գ/Քոլեջի ուսանողներին ծանոթացնել ԵՊՀ ԻՄ-ում ուսումնառվող մասնագիտություններին,

դ/ հյուրընկալել Քոլեջի ուսանողներին և կազմակերպել հանդիպումներ ԵՊՀ ԻՄ-ի ուսանողների հետ,

ե/կազմակերպել Քոլեջի բարձր առաջադիմություն ցուցաբերած շրջանավարտների ուսումնառությունը ԵՊՀ ԻՄ-ի մասնագիտություններով՝ համաձայն ՀՀ Կառավարության 2015թ. հուլիսի 8-ի թիվ 752-Ն որոշմամբ հաստատված «Միջին մասնագիտական ուսումնական հաստատությունների բարձր առաջադիմություն ցուցաբերած շրջանավարտների՝ բարձրագույն ուսումնական հաստատություններում համապատասխան մասնագիտությամբ կրթությունը շարունակելու կարգը հաստատելու մասին» որոշման:

3. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

1. Սույն Հուշագրի դրույթներից բխող աշխատանքների բնույթի, ծավալի և այլ անհրաժեշտ գործողությունների հասակեցումը Կողմերը կկատարեն Սույն Հուշագրի շրջանակում առանձին փաստաթղթեր կազմելու և հաստատելու միջոցով:

2. Կողմերը Հուշավորվում են սույն Հուշագրում նշված նպատակներին հասնելու համար գործադրել իրենց առավելագույն ջանքերը, այդ թվում՝ տեղեկատվության, գիտելիքի, փորձի, հմտությունների փոխանակում, այլ մարմինների հետ համագործակցություն:

4. ՀՈՒՇԱԳՐԻ ԳՈՐԾՈՂՈՒԹՅԱՆ ԺԱՄԿԵՏԸ ԵՎ ԼՈՒԾՈՒՄԸ

1. Սույն Հուշագիրն ուժի մեջ է մտնում երկկողմանի հաստատման պահից և գործում է անորոշ ժամկետով:

2. Սույն Հուշագիրը կարող է լուծվել Կողմերից յուրաքանչյուրի նախաձեռնությամբ՝ ենթադրվող դադարեցման օրվանից ոչ ուշ, քան 1 (մեկ) ամիս առաջ մյուս Կողմին գրավոր ծանուցմամբ:

5. ԵԶՐԱՓԱԿԻՉ ԴՐՈՒՅԹՆԵՐ

1. Բոլոր այն հարցերը, որոնք չեն կարգավորվել սույն Հուշագրով, կարգավորվում են Հայաստանի Հանրապետության օրենսդրությամբ սահմանված կարգով:

2. Սույն Հուշագրում փոփոխություններ և լրացումներ կարող են կատարվել Կողմերի փոխադարձ գրավոր համաձայնությամբ, որոնք կհամարվեն Սույն Հուշագրի անբաժանելի մասը:

3. Սույն Հուշագիրը կազմված է հայերենով, երկու օրինակից, որոնք ունեն հավասար իրավաբանական ուժ: Յուրաքանչյուր Կողմին տրվում է մեկ օրինակ:

6. Կողմերի վավերապայմանները և ստորագրությունները

ԵՊՀ ԻՄ

ՔՈԼԵԶ

«Երևանի պետական համալսարան»
հիմնադրամ Իջևանի մասնաճյուղ
ՀՎՀՀ՝ 01506928

ՀՀ Տավուշի մարզ, ք. Իջևան
Ուսանողական 3
Հեռ.՝ (+374) 263 40050, (+374) 263 40035
Տնօրենի պաշտոնակատար՝
Անուշավան Մակարյան

ՀՀ ԿԳՄՄՆ «Բերդի բազմագործառնության
պետական քոլեջ» ՊՈԱԿ
ՀՎՀՀ՝ 07621953

հասցե՝ ՀՀ Տավուշի մարզ,
ք.Բերդ, Թեփլերյան 43
հեռ.՝ (0267) 2-13-32, (+374) 94 95 25 52
Տնօրեն՝
Աննա Ավայան

